



UNIVERSITÄTS-
BIBLIOTHEK
PADERBORN

**Series Episcoporum Archiepiscoporum Et Electorum
Moguntinorum, Trevirensium Et Coloniensium**

Kolb, Gregor

Rottwilae, 1725

VD18 12054054

IV. Aistvlphvs.

[urn:nbn:de:hbz:466:1-64326](#)

B. Lulli Hermannus ad S. Gothardum Ord. D. Benedicti Abbas
Collegio Soc. Iesu Moguntiae inter reliquias sacras servandum de-
navit, Hildesiâ translatum an. 1603.

III. RICHOLPHVS.

Richolphi post D. Bonifacium Moguntiae Archipræsulis se-
cundi, quamvis natales & acta prima lateant, minimè latent
tamen gesta & fata ultima. Regi & demum Imperatori
Carolo M. à consiliis constanter, id bene meritis suis impetravit
haud difficulter, ut Cæsaris interventu Pontifici placuerit Archi-
episcopus, cuius difficile munus ea methodo obiit, ut à quo repre-
hensus sit, non invenias, à quo laudatus fuerit, etiam hodie nullo
labore reperias. Ad amissim verò ut fierent omnia à subjectis Ri-
cholpho Episcopis & Sacerdotibus, nec deesse passus est monita,
nec præcepta Ecclesiæ Romanæ autoritate præmunita: unde ex
Hispania Moguntiam usque transferri curavit Canones Pontificios
Isidori Mercatoris operâ eleganti ordine donatos. Quò magis
verò constaret omnibus ritè de Ecclesiæ legibus, an. 813. Mogun-
tiæ Synodus celebravit, & alteri Synodo Wormatiæ celebratæ in-
terfuit. Circa eadem tempora DD. Aurei & Justinæ sacras reli-
quias populo visendas & honorandas proposuit, simûlque D. Al-
bani honoribus dicatum templum magnificentissimè extruxit:
dein verò quocum consilia vivus conferebat, cum eodem Impera-
tore mortis sententiam sustinuit an. 814. cum Carolo M. mortuus
post annos Sed. 27.

SECULUM IX.

IV. AISTVLPHVS.

Aistulphus B. Lulli discipulus, in quem quantumque deniq;
Magistrum evaserit, multorum loco sit testis Rabanus, for-
tè etiam Aistulphi discipulus doctissimus, & in Sede Mo-
C 2 guntina

guntina successor dignissimus, qui librum de Institutione Clericorum præter libros alios plurimos, scitissimè conscriptum, cùm Aistulphi consecraret honoribus, hæc libro præfigere verba non dubitavit, instar prototypi posteris relicta: *Te, Sancte Pater, pro merito summa pietatis plurimi venerantur, & omnibus fidelibus, causa magnæ fidei & sanæ doctrinæ, honorabilis atque amabilis existis.* *Te benignissimum atque equissimum esse scio, &c.* his addidit epitaphium hoc maximè modo scriptum:

Præsulis Haistulphi sita sunt hoc membra sepulchro,

Pontificale sacrum qui bene gessit onus.

Bis senis urbem hanc Pastor qui rexerat annis,

Dogma & Apostolicum protulit ore sacro.

Justitiae Custos, rectus, patiensque, benignus,

Fidus in eloquiis & pietate placens.

Lulli discipulus, Successor ritè Richolphi,

Ambobus meritis, non minor iste fuit.

Quis te sancte Pater cum Christo ne sciat esse,

Splendida quem tecum vita fuisse probat.

Sedit an. 12. sub Stephano V. & Paschali I. Pont. an. 816. mort.

V. OTGARIUS.

OTgarius, aliis Odogarius appellatus, Wione teste nobili loco in Germania natus, & D. Benedicti Regulâ instructus, Principi Monasterio Campidunensi Antistes præfuit omnium primus, haud dubiè D. Hildegardi Augustæ gratissimus. His tamen dictis multùm refragantur Serarius, Bruschius & authores alij, Otgarium hunc nostrum à priori fuisse loco & tempore diversum longè, testati. Archipræful verò hic noster eorundem authorum testimonio D. Ansgarium unà cum aliis inunxit Episcopum. Danorum Regi Haraldo affudit salutares Baptismatis undas, & Ludoviço Pio Cæsari animam agenti adstitit. Obortis dein inter Ludovici filios litibüs denuo & bellis gravissimis, nolens volens in Lotharij denique partes consensit, nec seriò refragatus Ludovicō